



Lafet wantaem



Hemia Sam, hemia Luk. Tufala i fren.

[1]




Long ples blong tufala i gat tri de blong lafet wetem ol pleple.


[2]




Long fes de i gat wan gem blong futbol.
[3]



Long seken de i gat wan konset.
[4]




Long ted de i gat wan gem blong volibol.
[5]




De blong futbol i go finis. Tede hem i seken de blong lafet, we i gat konset.

[6]




Luk mo Sam tufala i stap danis long konset ia. Tufala i stap tokbaot lafet.


[7]




Nao ia, Sam i stap askem Luk, hem i se: “Yestede yu ple futbol?”
[8]




Ale Luk hemi se: “No, yestede mi no bin ple.”
[9]




Hemi se: "Yestede, ren i ren."
[10]





Hemi se: "Sapos mi bin ple futbol yestede, bae mi wetwet."
[11]



Afta Sam hemi askem se: "Ale, tumoro, bae yu ple volibol?"
[12]





Ale Luk hemi se: "No, bae mi no ple."
[13]




Hemi explenem: "Mi bin katem finga blong mi."

[14]




Luk hemi se: "Sapos bae mi ple volibol tumoro, bae soa blong finga blong mi bae brok bakegen."


[15]



Afta Sam hemi askem Luk: "Tede long naet bambae yu mekem wanem?"
[16]



Luk hemi talem se: "Long naet bae mi kakae plante laplap!"
[17]



Ale Sam hemi se: "Sapos i gat kompetesen blong kakae laplap, bae yu winim wantaem!"

[18]